

國學經典叢刊

春秋左傳詁（一）



萬 有 文 庫

第一集一千種

王雲五主編

春秋左傳詁

（一）

洪亮吉著

商務印書館發行

萬有文庫

第一集一千種

總編纂者
王雲五

商務印書館發行

春秋左傳詁

（一）

洪亮吉著

國學基本叢書

春秋左傳詁自序

余少從師受春秋左氏傳。卽覺杜元凱於訓詁地理之學殊疎。及長博覽漢儒說經諸書。而益覺元凱之注。其望文生義。不臻古訓者。十居五六。未嘗不歎漢儒專家之學。至孫炎薛夏韋昭唐固之後。法已盡亡。自魏受禪。至晉平吳之歲。不及百年。戎馬倥傯。著書者漸少。輔嗣旣啓空疎之習。子雍復開飾僞之門。而孔門之弟子門人。一線相承。不絕如縷者。至此始斷而不克續矣。然又竊怪元凱雖無師承。然其時精輿地之學者。裴秀京相璠司馬彪之儔。尙布列中外。卽以訓詁論。左氏一經。陳元鄭衆賈逵馬融延篤服虔彭汪許淑潁容諸人之說俱在。倘精心搜採。參酌得中。何至師心自用若此。豈平吳之後。位望旣顯。心跡較麤。又一時諸儒。學淺位下。不復能駁難故耶。自此書盛行。千六百年。雖有樂遜序義。劉炫規過之書。不能敵也。況今日去劉炫等又復千載。其敢明目張膽。起而與之爭乎。然以後人證前人之失。人或不信之。以前人以前之人正前人之失。則庶可釐然服矣。於是冥心搜錄。以他經證此經。以別傳校此傳。寒暑不輟者又十年。分經爲四卷。傳爲十六卷。遵漢藝文志例也。訓詁則以賈許鄭服爲主。以三家固專門。許則親問業於賈者也。掇及通俗文者。服子慎之所注與李虔所續者。截然而兩。徐堅初學記等所引可證也。地理則以班固應劭京相璠司馬彪等爲主輔。而晉以前輿地圖經可信者亦酌取焉。又舊經多古字古

春秋左傳詁 自序

二

晉半亡於杜氏。而俗字之無從鈎校者。又半出此書。因一一依本經與二傳暨漢唐石經陸氏釋文與先儒之說信而可徵者。逐件校正。疑者闕之。大旨則以前古之人正中古之失。雖旁證曲引。惟求申古人之旨。而已無預焉者也。卷中凡用賈服舊注者曰杜取此。用漢魏諸儒訓詁者曰杜本此。用京相馬彪諸人之說者曰杜同此。以別之。書成。合爲二十卷。藏諸家藝。以教子弟焉。名爲春秋左傳詁者。詁古故字通。欲存春秋左傳之古學耳。時嘉慶十二年。歲在丁卯。立夏日也。

春秋左傳詁目錄

第一冊

卷一

經隱公至莊公

卷二

經閔公至文公

卷三

經宣公至襄公一

卷四

經襄公二至哀公

卷五

傳隱公至桓公

卷六

春秋左傳詁 目錄

春秋左傳詁目錄

傳莊公至閔公

第二冊

卷七

傳僖公一

卷八

傳僖公二

卷九

傳文公

卷十

傳宣公

第三冊

卷十一

傳成公

二

傳襄公一

卷十三

傳襄公二

卷十四

傳襄公三

第四册

卷十五

傳昭公一

卷十六

傳昭公二

卷十七

傳昭公三

第五册

卷十八

春秋左傳詁
目錄

三

春秋左傳詁目錄

傳昭公四

卷十九

傳定公

卷二十

傳哀公

四

春秋左傳詁

卷一

春秋經一

隱公

元年春王正月【詁】易子夏傳元始也釋文賈逵左傳義云公羊以魯隱公爲受命王黜周爲二王後名不正則言不順言不順則事不成今隱公人臣而虛稱以王周天子在上而黜公侯是非正名而言順也

如此何以笑子路率爾何以爲忠信何以爲事上何以爲法何以爲全身公羊疏二服虔云孔子作春秋於春

每月書王以統三王之正本疏三月公及邾儀父盟於蔑【詁】賈服以爲儀父嘉隱公有至孝謙讓之

義而與結好故貴而字之善其慕賢悅讓本疏汲郡古文作魯隱公及邾莊公盟于姑蔑公羊經穀梁經

皆作盟于昧公羊又作邾婁儀父公羊凡邾字下皆有婁字陸氏音義云漢書鄒陽傳作義父顏師古

曰按文七年先蔑公羊作先昧史記楚世家及屈賈列傳殺其將唐昧正義昧呂氏春秋作唐蔑與此

正同知古文昧蔑通也劉熙釋名盟明也告其事於神明也詩鄭箋盟歃血盟劉昭郡國志注魯國下

縣南有姑城杜同此夏五月鄭伯克段於鄆【詁】馬融尚書注克勝也漢書地理志陳留郡偃應劭曰

春秋左傳詁 一 春秋經一

二

鄭伯克段于僞是也。按趙匡集傳云：鄆當作鄆。鄆地在緱氏縣西南。至十一年乃屬周。左氏云：王取鄆，劉蔣邠之田於鄆是也。傳寫誤爲鄆字。今考杜注：潁川鄆陵縣，既非。趙匡以爲當作鄆，一無確據。又係改字，亦非也。惟應劭之說最足依據。僞縣前漢屬陳留，後漢屬梁國，作「陳留郡」在春秋時。大半屬鄆，且傳上云：至於廩延。杜注：廩延，鄆邑。陳留酸棗縣北有延津。廩延至陽，既屬順道。又渡河至共，亦便明克段之地爲陳留，縣無疑。秋七月，天王使宰咺來歸惠公仲子之賵。【詁】賈逵云：畿內稱王。諸夏

稱天王。夷狄稱天子。穀梁疏：賈逵春服虔云：咺，天子宰夫。周禮又云：賵，覆也。天王所以覆被臣子。本春秋三家經訓詁。

秋說：賵，謂之爲言覆也。御覽：張揖廣雅釋詁：歸死者曰賵。按服氏訓：當與何休說合。觀休云：賵，猶覆也。

蓋謂覆被亡者耳。九月，及宋人盟於宿。【詁】司馬彪續漢書郡國志：東平國無鹽。本宿國任姓。杜此

按司馬彪傳：彪撰續漢書，在武帝太始中，而預作經傳集解，則在太康時。預所採地理諸說，多與京相

璠司馬彪同。預雖與二人同時，或其書先出，且學又專門，故採用之也。冬十有二月，祭伯來。【詁】穆

天子傳作鄆。云：鄆，鄆公邑。按傳二十四年傳：詐祭卽此。章昭國語注：祭，畿內國名，爲王卿士。杜本此。公

子益師卒。【詁】許慎說文解字：大夫死曰殯。从步卒聲。按經典皆作卒。蓋古文省。

二年春，公會戎於潛。夏五月，莒人入向。【詁】世本：莒，己姓。今誤紀。漢書地理志：城陽國莒，故國。沛郡向

故國。春秋曰：莒人入向。姜姓。炎帝後。京相璠云：水經注：按下引向，沛國縣。今并屬譙國龍亢也。杜同此。

無駭帥師入極。穀梁駭作倭後同。古今人表無作亡。【詁】賈逵云極戎邑也。本穀梁傳云極國也。按唐十二分野圖極國在費西南。又高誘淮南子注展無倭柳下惠之父也。倭駭古字同。穀梁卽作倭。秋八月庚辰公及戎盟於唐。【詁】郡國志山陽郡方輿有武唐亭。杜同此。九月紀裂繻來逆女。【詁】公羊穀梁並作肥履綸。按肥紀字近履綸裂繻音同。冬十月伯姬歸於紀。紀子帛莒子盟於密。公穀並作紀子伯。【詁】郡國志北海國淳于有密鄉。杜同此。十有二月乙卯夫人子氏薨。【詁】劉賈許穎云日月詳者弔贈備日月略者弔有關。釋文薨公侯卒也。白虎通薨之言奄也。奄然亡也。釋名諸侯曰薨。薨壞之聲也。按小君得從君例故亦曰薨。鄭人伐衛。【詁】傳文及詩鄭箋有鐘鼓曰伐。杜本此。三年春王二月己巳日有食之。釋文食本或作蝕。【詁】說文有不宜有也。春秋傳曰日月有食之。按有字从月。故說文云日月有食之。錢詹事大昕又云日食者月食之也。故說文連言日月。三月庚戌天王崩。【詁】曲禮天子死曰崩。說文崩山壞也。釋名天子曰崩。崩壞之形也。崩礮聲。夏四月辛卯君氏卒。公穀皆作尹氏。秋武氏子來求賻。八月庚辰宋公和卒。冬十有二月齊侯鄭伯盟於石門。【詁】京相璠云石門齊地。今濟北盧縣故城西南六十里有故石門。去水三百步。水經按濟北盧縣春秋時即齊地。故京相璠云云。杜注分爲二地殊誤。癸未葬宋穆公。公穀皆作穆。史記漢書亦同。【詁】按穆穆古字通。禮喪服小記序以昭穆。鄭氏注云穆讀爲穆。謚法布德執義曰穆。又中情見貌曰穆。

春秋左傳詁 一 春秋經一

四

四年春王二月。莒人伐杞。取牟婁。【詁】地理志。陳留郡雍丘。故杞國也。杜本世本杞似姓疏戊申。衛州

吁弑其君完。穀梁作祝吁下同【詁】賈逵云。弑君取國。故以國言之。本按此二條亦春秋之始例正義言諸弑

君者。莊公以上皆不書氏。閔公以下皆書氏。足申明賈義。夏公及宋公遇於清。別本作宋人誤【詁】劉賈以

遇者。用冬遇之禮。本京相璠云。今濟北東阿東北四十里有故清亭。即春秋所謂清者也。水經郡國志注。

東阿有清亭。杜同此宋公陳侯蔡人衛人伐鄭。秋。鞏帥師會宋公陳侯蔡人衛人伐鄭。九月。衛人

殺州吁於濮。【詁】賈逵云。濮。陳地。史記索隱漢書地理志。東郡濮陽。應劭曰。濮水東入鉅野。杜本此。冬

十有二月。衛人立晉。

五年春。公矢魚於棠。【詁】詩毛傳。矢。陳也。賈逵云。棠。魯地。陳魚而觀之。史記魯世家集解。按毛傳及賈並本爾雅

釋詁文。公穀作觀魚。史記漢書五行志並作觀魚於棠。杜取郡國志。山陽郡方輿有武唐亭。魯侯觀魚賈說。

夏四月。葬衛桓公。秋。衛師入郕。公羊。鄭作盛。後同。【詁】郡國志。濟北國。成本國。劉昭注。左傳衛師

入郕。即此。按前漢濟北國并泰山。後漢和帝永元二年。復置地理志。泰山郡有肥成縣。應劭曰。肥。子國。

別無所謂成縣也。疑郡國志成上脫一肥字。昭遂誤以爲春秋時郕國耳。水經注。所稱京相璠云。東郡

廩丘縣南三十里有成都故城。魏王泰括地志。郕城在兗州泗水縣西北五十里。山東圖經。郕國城在

汶上縣北三十里。春秋時。郕子國。若成後漢時作縣。則杜注不當云。東平剛父縣西南有郕鄉矣。然杜

以爲鄭鄉在剛父縣西南亦微誤。九月考仲子之宮初獻六羽【詁】服虔云宮廟初成祭之名爲考將納仲子之主故考成以致其五祀之神以堅之本。邾人鄭人伐宋。螟【詁】爾雅釋蟲食苗心螟。舍人云食苗心者名螟言冥冥然難知也。李巡云食禾心爲螟言其姦冥冥難知也。杜本按說文螟蟲食穀業者與此微不同。冬十有二月辛巳公子彊卒。宋人伐鄭圍長葛【詁】京地名云長社北有長葛鄉水經注郡國志潁川郡長社有長葛城杜同此。

六年春鄭人來渝平【詁】公穀並作輸按廣雅輸更也輸渝古通用爾雅及虞翻易注渝變也釋文本此桓元年杜注亦同。夏五月辛酉公會齊侯盟於艾。秋七月冬宋人取長葛【詁】賈服以爲長葛不繫鄭者刺不能撫有其邑。本疏。

七年春王三月叔姬歸於紀【詁】賈逵云書之者刺紀賁叔姬。本疏。滕侯卒【詁】世本滕姬姓文王子錯叔繡之後。本疏。地理志沛郡公丘故滕國周懿王子錯叔繡所封三十一世爲齊所滅郡國志沛國公丘本滕國杜本按世本錯叔繡文王子左傳亦云邾雍曹滕文之昭也古今人表滕叔繡在中上注文王子獨此志謂出懿王蓋傳寫誤一字。夏城中丘齊侯使其弟年來聘。秋公伐邾冬天王使凡伯來聘【詁】郡國志河內郡共有凡亭劉昭注凡伯國按凡汎古字通杜同此。戎伐凡伯於楚丘以歸。【詁】地理志山陽郡成武有楚丘亭杜本此。